

張氏譜卷

第八冊

中華族譜集成



巴蜀書社



中華族譜集成



巴蜀書社

一九九五年·成都



張氏譜卷

第八冊

中華族譜集成張氏族譜卷目錄

《張氏統宗世譜》，二一卷，張憲、張延輝主修，明嘉靖刻本，原裝十冊

張一——

《旌陽張氏通修宗譜》，上中下三卷，張慶彬等修，清光緒二十六年永思堂刻本，原裝二十冊

張二——

《錫山張氏統譜》，四二卷，張軼歐、張鑒、張國儀、張竹盛、張洪基等修，民國十二年錫山

宗祠壽康堂鉛印本，原裝七十四冊

張三——

《錫山張氏統譜》，四二卷，張軼歐、張鑒、張國儀、張竹盛、張洪基等修，民國十二年錫山宗祠

壽康堂鉛印本，原裝七十四冊

張四——

《錫山張氏統譜》，四二卷，張軼歐、張鑒、張國儀、張竹盛、張洪基等修，民國十二年錫山宗祠

壽康堂鉛印本，原裝七十四冊

張五——

《錫山張氏統譜》，四二卷，張軼歐、張鑒、張國儀、張竹盛、張洪基等修，民國十二年錫山

宗祠壽康堂鉛印本，原裝七十四冊

張六——

《張氏通譜》，八卷，張而昌修，張銑校訂，清光緒二年岑東使署刻本，原裝八冊

張六——二六三

《定陽張氏族譜》，四卷，張雲達等修，清道光二十六年刻本，原裝四冊

張六——六七一

《清河張氏宗譜》，一三卷，首一卷，張廷輝主修，清光緒四年余慶堂刻本，原裝十四冊

張七一

《清河世系》，不分卷，張晉昭修，民國八年刻本，原裝一冊。《清河張氏支譜》不分卷，民國鉛印

本，原裝二冊

張七一七二二

《清河家乘》，不分卷，張景雲修，清光緒二十七年世美堂刻本，原裝四冊

張八一

《清河張氏宗譜》，一六卷，首一卷（第九、第十卷原缺），張日佐等修，清乾隆十七年崇本堂刻本，

原裝十六冊

張八一四〇

《甲道張氏宗譜》（一一一八卷），四二卷，續編二卷，張圖南、張泮等修，清乾隆四十七年刻本，

原裝四十四冊

張九一

《甲道張氏宗譜》（一九一三七卷），四二卷，續編二卷，張圖南、張泮等修，清乾隆四十七年刻本，

原裝四十四冊

張一〇一

《甲道張氏宗譜》（三八一四二卷），四二卷，續編二卷，張圖南、張泮等修，清乾隆四十七年刻本，

原裝四十四冊

張一一一

《京江張氏家乘》，一六卷，張九征初修，張永清、張永泓續修，清道光五年敬思堂刻本，原裝十二冊張一一一七五六

《韋莊張氏宗譜》，一八卷，首二卷，張坤照主修，清宣統三年承德堂刻本。原裝二十四冊

張一二一一

《橫峰張氏宗譜》（一—二五卷），二八卷，張宗鐸等修，民國四年篤親堂鉛印本，原裝二十八冊 張一三一—

《橫峰張氏宗譜》（二六—二八卷），二八卷，張宗鐸等修，民國四年篤親堂鉛印本，原裝二十八冊 張一四—一

《姚江歷山張氏宗譜》，八卷一二集，張謙等修，清光緒十年敦倫堂刻本，原裝十二冊 張一四—一七七

《姚江三牆門張氏宗譜》（一—二五卷），二八卷，張振鸞等修，民國五年樹德堂鉛印本，原裝二

十八冊

張一五—一

《姚江三牆門張氏宗譜》（二六—二八卷），二八卷，張振鸞等修，民國五年樹德堂鉛印本，原裝二

十八冊

張一六—一

《鶴頸漕張氏宗譜》，一六卷，張道生等修，民國五年追遠堂鉛印本，原裝十二冊 張一六—一四四

《張氏六修族譜》，二一卷，張筆銓、張谷南等修，清光緒二十三年冠英堂刻本，原裝二十冊 張一七—一

《張氏宗譜》，一八卷，張祥麟、張雲鵬等續修，清同治刻本，原裝十九冊 張一八—一

《續修張氏族譜》，張家驥等修，民國二十二年石印本，原裝六冊 張一八—一六三三

《中湘十畝丘張氏五修支譜》，二四卷，末一卷，張萬遂等修，民國二十大忍堂刻本，原

裝二十冊

張一九—一

《花橋張氏四修族譜》，二〇卷，張效良等修，民國十七年孝友堂鉛印本，原裝二十冊 張二〇—一

清河家乘

光緒庚子孟春開雕迄辛
丑中秋告成藏版世美堂

七世間渠公清河家乘序 老大房刻入濟美集

七世新齋公家乘序 老二房刻入濟美集

七世梅山公宗譜序 老二房

八世世張公重訂家譜序 老二房刻入濟美集

九世之萊公萬應癸丑修譜原序失 老二房

九世叔芳公脩家乘序 老二房刻入濟美集

九世覺庵公族譜引 老二房

十世安臣公修清河家乘序 老三房

十世全人公重修家乘序 老二房

清河家乘 目錄

十世子將公重修家乘跋 老三房

十世雲先公重修家乘序 老大房

十世子將兩公重修張氏家乘凡例十六則

十世存禱公張氏世譜親賢錄序 老二房

十世存禱公家譜名壽錄敘言 老二房刻入濟美集

十一世去塵公康熙辛未年修譜序失 老二房

十一世鶴朋公修清河家乘跋 老二房

十二世龍門氏續脩家譜誌言十四則

十二世龍門氏譜牒告成跋 老二房

清河家乘

十三世蓋翁譜牒告成跋 老二房
十四世樸軒氏譜牒告成跋

清河家乘

目錄

二

張氏族譜首卷

七世梅山公宗譜序 老二房

十三世孫 清河 敬輯恭校

萬歷戊寅仲冬日宗譜告成承伯兄元翁命作序是蓋問渠新齋兄兩年心力爲之已序於前矣余浣焉敢以不文辭第詳觀此譜支聯派接井井不亂生者續天者除上而祖宗下及子庶如指掌然大率彷彿往昔成規系紀從乎余氏綴拾先人遺纂實錄定於元翁族畧咸歸墳圖並載慮世遠年湮之莫覈惟一言之必

清河家乘

一

書豈徒視爲虛文俾有補於世訓不顯不承在於是矣吾宗其勉之以無忘祖德可也七世孫浣拜跋

九世覺庵公族譜引 老二房

就問之尊祖故敬宗敬宗故睦族夫世窮則澤熄澤熄則忘親親盡則疎疎則無紀故尊祖則有廟饗收族則有宗盟夫既廟之又從而譜之敦睦之道具是矣昔伯祖恭懿公率宗人立祖廟其後復紀宗而譜之今時移世易 就 與叔父殷繩公方經營廟事未能猝辦而姪 堯政 族譜先告成嗟乎譜之爲義大矣哉易曰君子以類族辨物族弗類則罔與敦譜者所以類之也抑 就 實望以敦睦

之道焉慶弔常相及貧賤當相恤孤嫠當相收患難當相救勿以
華靡而忽寒微勿以文章而輕椎魯歲時伏臘歡然相聚則渙者
可聚而敦睦之政行矣雖然敦睦以合族君子難之非合族之難
以身範族之難也鄙人有言何知仁義以觀其利者爲有德假令
族之人或據高位或擁繁封赫然稱亢宗矣入門遇寡人于掉臂
弗顧甚者箕帚糲鋤見於德色則後之視譜者亦猶越人之視章
甫耳尊祖敬宗則於何有陶朱公再散疏屬子孫修業而息之范
文正爲宗盟至今傳誦弗絕淵深而魚生之山深而獸往之澤厚
而仁義附焉我祖宗德澤流長精神煥而不散子孫睦姻孝友

清河家乘

二

族類合而不分譜之不可不重訂也如是夫與吾姪堯政其相
勉願與族之人共相勉順治十三年歲次丙申六月望日九世孫
競光百拜識并書

十世安臣公修清河家乘序

老三房

大凡萬物之生必攷其所自出問其生必問其生生者問其生生
必問其如何始如何終如何分如何合如何培養以致茂盛如何
廢棄以致凋殘物且有之是以家之盛衰雖云氣數實由人事可
不慎與家譜之設即晉之乘楚之梅杌魯之春秋寧獨爲記歟已
乎余家世本於汴梁冠蹕南來自宋末迄元初不可紀所可紀者

則元末以至明始終而已譜修於七世元洲周渠新齋三公在萬
曆之乙亥歲迄今已八十年再修於九世之萊公又修於九世叔
芳公二集在萬曆之癸丑乙卯間迄今亦四十年恐久而漸湮以
至全不可考因合之萊叔芳二公原本而爲續訂但遺漏尙多深
有望於賢子孫更爲加意務令散者合之遺者補之且敦睦好修
以無忝祖父則永底於盛而爲上世光者端在是矣順治丙申孟
夏望日十世孫堯政拜手書

十世全人公重修家乘序

老二房

丙寅嘉平余以老病曝日中猶子咸詠將雲先弟意於余欲舉家
清河家乘

三

乘付之剞劂余咨嗟良久曰是余與而父之所有志未逮者也然
而難言之矣先世鼎盛又以家宰之望重一時尙未有刻本今寒
素相仍貧乏者過半則措貲一難也表彰前人豈異姓所能諳悉
吾家不乏風雅之士而擔簦走四方者凡幾矣間有歛跡里門者
佔俾吟唔無暇及筆墨則操觚一難也時代曠遠兼之族姓散處
欲序世系而宗支繁衍矣欲圖墳墓而山川遼闊矣且核前言往
行於殘編斷簡之間其能一一相沿而勿失乎則効奔走而任採
輯者尤難也子其勉之咸詠唯唯而退三未易歲而忽以宗譜七
卷請正於余余閱之而驚且喜曰是何爲之勇而成之速也非吾

家多賢豈易臻此感詠曰往以伯言之難相與謀之矣雲先叔曰人生百年瞬息何忍靳此百年中之一歲月使祖功宗德湮沒不彰乎遂輟舉子業專精畢力以謀成是譜其事者弟仲法子將姪咸詠鉅仔姪孫士章或佐其筆削或圖其墳墓或任其馳驅歷九旬而大綱具畢又歷季而細目畢張披閱再過見其敘次有條煩簡有法不支不漏可歌可傳而始歎仁人孝子之用心苦矣蓋放言高論者憑己意爲賢否而袖手旁觀者又吹毛而議短長是以二百年來雖不無仁孝之所感發而一有顧忌輒中道而廢付之無可如何今弟雲先輸貲獨任不恤人言而弟姪輩復襄厥事遂

清河家乘

四

彬彬稱一時盛舉焉使余八十老人得扶杖以觀成厥功懋哉自今有賢子孫出暨祖功宗德之所以盛而克振家聲世世相守勿替則二三子之力洵不可泯也爰敘其事於簡端康熙丁卯孟夏十世孫履泰百拜書

十世子將公重修家乘跋

老三房

族之有譜所以溯本源示法守別尊卑崇敦睦也吾族清河家乘始自國初昉於家宰公之所定成於問渠新齋公之所述大備於之萊叔芳安臣公之所修其爲法最詳且慎然而歲月遞變生齒日繁散處頗多稽核匪易自順治丙申迄今三十餘載未修幾有

湮沒不傳而致後之訛舛者矣吾雲先弟以明經拔萃不安小就奮志下帷且舉家乘而增訂之將付剞劂以貽後人夫以尊祖敬宗敦族厚倫之道宜爾也其間文獻足徵軌制不忒足以鏡往而傳來雖不敏間亦稍効一得凡屬子姓實嘉納焉然嘗聞穆叔之言曰保世受氏世祀不絕惟立德立功立言爲不朽耳古之鼎裔望族所以世世勿替並由禮義培植而滋其大也後之攷是譜者兢兢以穆叔之言其勉庶其不墜家聲也夫康熙丁卯孟春人日十世孫右昭百拜跋

十世雲先公重修家乘序

老大房

清河家乘

五

孔子曰人無遠慮必有近憂故斥鷃栖栖不出蓬蒿間鵬鳥且圖南萬里澤雉五步一飲十步一啄至足矣而鳳凰乃翔於千仞之上此其受形細大不同故爲計殊耳今世之人抱志逞才者何限惟是邱金玉被綺縠日引醕醢肥脆以膏膺腸第宅田地雄於鄉里而孝弟貽謀之道闕焉罔聞故有朝倚頓而暮行乞祖父卿相而子孫爲厮養士豈非棄禮義而尚功利之故耶記曰有禮則安無禮則危斯善敗之本興替之原也故明愛敬之義崇敦睦之風溯往古之緒宏來裔之模誠不可已矣吾族譜始自家宰公其間問渠新齋之萊叔芳安臣諸公或同時以贊襄或經世而修明自

安臣兄以來至於今又三十餘年舊章散落繼齒繁衍且遠矣前
微而肅然振起余用是慮焉爰述二百餘年間德隆則從而隆德
衰則從而衰之迹更廣則以防侮立訓以閑邪修爲家乘七篇親
親疏疏本本支支而後人道備於是序世系第一修短異數窮達
異途婚娶異族男女生息異齊嫡庶異名葬埋異地是非異辨雖
百世不可不知也於是序世譜第二生有封錫死有祭贈以昭潛
德以答盾功在家可以勸孝在國可以作忠君子所不廢也於是
序諸勳第三歐陽譜務懲不肯夫怙終者此指爲頑彼方曰良是
聚訟耳譜以收族而聚訟可乎凡素履足儀繼世著述克藏名山
清河家乘

六

或光耀祖先期願壽考悉爲足彰於是序列傳第四闡德既脩陰
教攸彰貞節可表黷亂斯化於是敘內傳第五青山有限白骨歲
增他族逼處紛爭所致經界清而訟端息矣於是序 祖墓圖籍
第六夫譜所以合族彰教務遠回邪也隆禮由禮謂之有方之士
否則無方之民故譜之於約其義一也於是序家約第七甚矣譜
之爲教大也本始既昭仁孝摯矣九族攸敘敬讓生矣典型在望
感發興矣董戒有條悖淫杜矣故一物而眾善備譜之謂也與修
之曷可少哉康熙二十六年歲次丁卯孟春上浣十世孫儒生百
拜題

十世子將兩公重修張氏家乘凡例十六則

一譜始自明初 惟善公所以從信漢晉唐宋諸鉅公間亦溯及
未敢擅登示闕疑也

一卷首舊列小像藉以追維庶幾羹牆如晤然亦尙多未備今並
闕之

一世系取簡明易覽以世次昭穆不以尊卑後先係法歐陽宗蘇
氏 怡然公老大房自爲一圖 介然公下四房各爲一圖庶
便檢覽

一始譜某名下書字書號書某房某人子某人孫并書生辰及卒
清河家乘

七

之時日配某氏并生卒時日子生某某葬某處其出身履歷不
嫌備載

一譜內有疑而不可考者闕之殤而未娶者略之義所當斷者削
之若孝子神童或幼而入學雖殤亦載

一仕宦科第堪起家聲凡有治行表表者並爲列傳其誌銘行狀
咸與採取足藥生平者人登一篇

一儒林文苑逸民獨行方技史傳所採吾宗有發揮典籍著書滿
架清風高節行詣卓然或技術可觀者各與立傳以類次焉
一婦女有淑行清操貞潔自芳者別標賢媛以垂靈範

一顯親揚名爲孝之大或生而受封歿而邀贈 恩褒誥敕悉錄

一道

一崇祀名宦鄉賢諸錄業經彙輯因卷帙繁多嗣容補入

一家乘與國史微異善善宜長是以有褒無貶然沒世而名不稱亦惕然而知懼矣

一近時聯譜徒以勢利相通亦或因勢利而絕余家譜固不敢謂他人昆也至螟蛉養子并不許濫載以亂我宗支

一人品論定必待畢世之後生者之行槩未便錄

一吾宗散處查核頗難茲雖續纂遺漏尙多或有見聞不妨補入

清河家乘

八

嗣後十年一修是所望於賢哲

一墳墓圖冊總爲一卷祭產附焉備詳其都邑號段四至弓口某人戶下并置買何年使後人有可稽查以便世守

一宗祠春秋二祭時宜創設一簿首登半年中所生孩提生辰後注半年內所沒男婦時日則生者無所遺而死者有所考後之修譜者亦易易矣宗盟宜留意焉康熙二十六年歲次丁卯仲

春十世孫

右昭重訂

十世存綸公張氏世譜親賢錄序

老二房

孔子曰父母之年不可不知也推而上之若祖父若高曾且極之

高曾之祖父其生卒配葬豈有可略者乎嘗見耄耋者氓漠不關心親在既忽然親沒則已矣青山白骨何處棲丘春露秋霜都成習套而欲思其所嗜思其所樂其何日之與有至若讀聖賢書爲儒者事未有不思德業加脩以顯揚其親者然而先哲景行豈徒遠求經史近訪名流乎家乘具在功烈昭然則徂徠新甫儘可瞻依正不必索之茫茫求之冥冥也癸巳仲秋既敘全譜以告宗人更於其中錄其親者之年庚與賢者之德業約爲一書而括帖之顏之曰親賢欲我後人時儆於目以無忘所自庶幾先型不墜後嗣可興是則余之志也夫康熙五十二年癸巳菊秋既望十世孫

清河家乘

九

玉輝百拜書

十一世鶴朋公修清河家乘跋

老二房

家之有譜所以敦孝友睦族屬景先型垂後嗣者也余家自恭慈公偕同渠新齋兩公纂成譜牒嗣是代不乏人時加修訂至雲先叔去塵沉續修之後歷有年所家大人心竊慮之殫數十年之精力遠徵近考序次釐然燦如星日甲寅歲溢焉長逝迄今幾二十年不敏仰承先志用是究心校讀之下見十世以上完備無遺十世而下生齒日增配葬墓出二十年來多未纂輯丁卯課讀吳門教誦之餘將先嚴原集增以後嗣支庶繕成草本今春館存齋

姪處又加增集極爲周詳在目前似無遺漏而子庶繁昌滋生日盛且散處不一稽核爲難所賴後之人廣爲搜輯隨時續增庶列祖之成模全宗之統緒得以永垂勿替也已乾隆十七年歲次壬申冬十一世孫錫璉百拜啟

十二世龍門氏續脩家譜誌言十四則

一余家譜牒自萬曆乙亥創始纂輯閱世增修茲集備錄原序并之卷首以見淵源

一是集祇遵 王父存論公原本首列宗圖次編類紀次年譜次增圖其爲四冊

清河家乘

十

一宗圖每六世分列一頁一世至六世爲先世分支六世至十一世十一世至十六世十六世至二十一世爲老大房大二三四房分支子姓滋生只須於十一世下增脩派衍支分雲祚勿替一類紀科名著壽 誌數各款按類分編俱照昭穆世次以爲後先

一 誌數列代榮膺繁於備錄今只載某諱封贈某官爵某氏某公配封贈某大便秘於增敘

一類編十世以上仍 王父定本十世以下間有參入只緣見聞淺狹遺漏正多倘有嘉言懿行碩德幽芳未經錄入者幸宗賢

各舉所知以補未備

一壹儀淑範類編只標貞節其餘懿美俱於年譜內某配某氏下詳紀事實

一年譜標列世次照舊順排書名書字註明房次係何項人生辰卒忌年若干歲配某氏生辰卒忌年若干歲生子某某葬某處詳載無遺

一年譜五世以上一脈相承子孫共曉五世以下子庶繁多有莫辨其某房子某者註入某子某孫易於連絡

一凡各支子姓未冠夭殤者支系存名年譜不載

清河家乘

十一

一凡原本年譜只載生辰卒忌無考者仍依原本

一凡各支墳塋未能週歷其有繪圖送至者即當補入

一凡各支子姓娶妻生子及遭不幸者於每年春秋祠祭日報明登簿以便隨時填入

一是集之成十三世果創議增脩捐貲給費十四世略留心採輯底本詳明手錄之易都緣於此并附誌之乾隆三十一年歲次丙戌桂秋朔日十二世孫振河百拜識

十二世龍門氏譜牒告成跋 老二房

五百餘年培植厚宗支蕃衍各紛傳一編統系網維遠列世增

歲月遷族姓永敦勤纂輯祖靈默寄其矜憐敢云繼述能繩武惟
望詒謀歷久綏

乾隆丙戌嘉平月十二世孫振河百拜題

十三世蓋翁譜牒告成跋

老二房

敬宗收族吾師志名壽分標手錄傳

名壽編錄係曾叔祖存翰夫子手輯

垂老一

編時展玩迄今三紀運推遷譜殘莫續誰爲問代遠無稽我獨憐
賴有文孫能繼述高歌瓜瓞祝綏綏

乾隆丙戌冬至日十三世孫果百拜題

人生難得惟名壽賴有前賢載筆傳派衍宗支將廿代鼎新廟貌

清河家乘

三

已三遷香升俎豆歆精潔秀毓芝蘭絕愛憐我願讀書留種子繼

庚繼甲永繼綏

系出清河留一綫幸從蒙養竊心傳顛危履伏精靈佑祀還隨

歲序遷弱弱不妨藏我拙昂昂豈屑受人憐義田膳族欽文正願

繼芳微恨力綏

乾隆癸巳仲秋十三世孫果謹再跋

十四世樸軒氏譜牒告成跋

顯年採輯全宗譜追溯淵源

祖德傳按類分編垂久遠因支別

派任流遷續修在昔光前烈絕筆於今起後憐繩武有人昭世守

千鈞一髮祝延綏

乾隆丙戌冬十四世孫輅百拜題

省壽百年感所談科名一綫幸相傳振衰起弊心彌切吳派同源
運同遷奕葉增修欣有合鈔胥自効敢期憐願言併力培根本懇

翼詒謀瓜瓞綏



乾隆癸巳仲秋十四世孫祥熙敬跋

乾隆三十四年歲次己丑仲春下浣清明後一日十二世孫振河

沐手編錄

清河家乘

三



堯佐

錫明

堯度

錫光

